

廣東圖說

廣東通志

高明縣圖

高明縣圖



三二
度十

二二半度

度四西

度四西

半度 西

高明縣

三度 十

半度 二十

界縣要高



半度 西

高明縣

縣治在府城東南七十里漢高要縣地晉置平興縣尋省劉宋元嘉十八年分高要置平興縣自後因之宋開寶五年省入高要明成化十一年始分置高明縣今因之

城周六百六十丈高二丈四尺城濠今堙

豸岡城東南十五里

長岡城東南十五里有長岡汛

水蕉山城東南二十里中有大石澗水盤流多生水蕉故名

鐵岡城東南二十五里

雲嶠嶺城東南四十里一名三洲山東界南海縣北界高要縣

鳳山城南二里水石清麗林木葱蒨

鹿峒山城南十里一名鹿峒尖拱向縣治羅列如屏

椅背嶺城南三十五里有椅背嶺村

伯阮嶺城南五十里路最險峻南通鶴山縣

皂帽山城南六十里南界鶴山縣

龍虎山城西南十里兩峯對峙左峯一石蹲如虎中一穴有泉
右峯一石盤如龍有巖深邃俗呼龍虎頭

饅頭嶺城西南五十里路通鶴山縣

雲宿山城西南五十里西南界新興縣

表山城西二十里高出衆山之表故名少南有蟾蜍徑地最險

隘

龜峯山城西四十里山體皆石突出江畔西江水匯於此有蟬
眼泉犀牛洞

文儲山城西五十里羣峰峻嶒有飛泉匯而成淵名曰聖潭
鷺鷥峽城西北十五里北界高要縣

老香山城西北八十里一名端溪山產五色香木故名山多溪
壑春夏之交潦水奔流內河漲溢俗名香山潦西北界新興縣
官逕山城北十里往來大道

明峯山城北二十里一名二童山兩峯竝峙形如明字故名

五龍山城東北十里五山奔伏如龍中有圓阜如珠俗呼五龍

爭珠山

鶴山城東北十五里相傳有仙鶴止其上故名

馬鬃岡城東北二十五里竇水出焉

凌雲山城東北三十里尖峰插漢上有石泉往來大道北界高要縣

靈龜山城東北四十五里有靈龜塔靈龜汛東界三水縣

北江自三水縣東南流入縣東北金洲山又東南流西南別出爲滘潒水又東南流經石奇村又東南流經秀麗圍滄江自西南來會滄江上源爲高要縣鴨迳水東南流入縣西北合水汛又東南流經合水墟雲宿水自西南來注之又東南流經新墟

屏山水自西南來注之又東南流經縣城南又屈東北流經鹿洞山又東北流經沙江渡沙水自西南來會沙水源出縣東南皂幕山東北流經楊梅墟石水自西南來注之又屈東南流經長岡汛又屈西北流與滄江會滄江又東北流經南岸圍高要縣北港水自西北來注之又屈東南流經泰和圍湓潒水自西北來注之又屈東北流經秀麗圍又東北流與北江會北江又東南流經三洲汛又東南流入南海縣西南境

知縣一員

復設教諭訓導各一員

均駐城內

三洲司巡檢一員

駐三洲墟

其屬大鄉一

下坊鄉城東二十里內有小村二十二屬三洲司者十一曰東
亨曰仙村曰孔堂曰鐵岡曰倫埔曰尼教曰阮埔曰蘇村曰石
奇曰羅俊曰扶麗餘屬典史往來大道有三洲墟汛靈龜汛官
渡汛東界三水縣東南界南海縣西南界鶴山縣西北界高要
縣

典史一員

駐城內

其屬大鄉三

中坊鄉附郭內有小村二十七曰周田曰大坪曰村頭曰濠基
曰世唐美曰木田曰白鶴曰高田曰肇唐曰穩水曰黎院曰崇
步曰石嘴曰芹水曰塘肚曰范洲曰小陵曰松柏院曰坐閣曰
田心曰蓮塘曰三卵石曰井頭曰恭田曰椅背嶺曰大布曰禾

草堂有東門墟楊梅墟白廟汛有延壽寺東洲寺大王廟南界
鶴山縣北界高要縣

下坊鄉城東二十里內有小村二十二屬典史者十一曰對村
曰豸岡曰清泰曰大楠曰祿堂曰岑水曰古水曰獨岡曰南岸
曰丙洲曰俊州餘屬三洲司有太平墟長岡汛東界高要縣

上坊鄉城西五十里內有小村二十六曰五阮曰高村曰城村
曰吉田曰布社曰八寶坪曰軍屯曰都權曰巨塘曰巨泉曰蛇
塘曰布練曰古城曰瑤村曰大壩曰渡水曰羅穩曰板村曰田
村曰屏山曰澤河曰沙村曰平塘曰朗錦曰大幕曰羅霖有更
樓墟合水墟汛雲良汛南界鶴山縣西界新興縣北界高要縣

督標中營右哨二司把總一員

貼防白
垌汛

右哨外委千總一員

貼防合
水墟卡

本營貼防縣境兵丁共三十五名內

白垌汛防兵二十名

合水墟卡防兵十五名

督標左營右哨二司把總一員

貼防山
台汛

額外外委一員

貼防更
樓汛

本營貼防縣境兵丁共三十九名內

山台汛防兵十五名

楊梅汛防兵十二名

更樓汛防兵十二名

督標水師營左哨二司把總一員

分防都含汛

本營駐防縣境水師兵丁共四十八名內

都含汛防兵三十名

石洲汛防兵六名

長圳汛防兵六名

官棠船汛防兵六名

肇慶協右營左哨二司把總一員

駐城內

左哨二司外委把總一員

分防三洲汛

本營駐防縣境兵丁共一百零四名內

外委本身名糧一名

存城防兵四十四名

合水汛防兵九名

雲良汛防兵九名

塘際汛防兵八名

長岡汛防兵八名

三洲汛防兵九名

官渡汛防兵五名

靈龜汛防兵五名

白廟汛防兵六名

西北路有塘鋪至高要縣

縣前鋪

鋪兵三名

十里至官逕鋪又十里至逕口鋪

二鋪每鋪兵一名

又

十五里至高要縣牛樓鋪

恩平縣圖